

師竹齋集

師竹齋集卷八

蜀綿李鼎元墨莊氏撰

壬子 古今體詩六十首

元旦

此生碌碌奈窮何
四十三年瞥眼過
殷浩書空徒咄咄
韓侯論將故多多
夢魂可是真蝴蝶
文字從知疥駱駝
羨煞兒童騎竹馬
攔街爭唱太平歌

病足

不著朝靴且挂冠
不妨步履暫艱難
公卿本厭趨步客
筆墨初宜耐冷官
舊歷山川來夢裡
故交風雨隔雲端

庸醫莫勸加鍼砭自愛西窓卧榻寬

得雨村書同鳧塘韻八首

社櫟無才散自甘韋編枉用絕經三
笏忘驥癡心營
獨對雞窻道偶談萬里重雲嘉樹暗一春好雨小桃香
家書欲報愁兼恨不盡相思內裡函

天馬由來不受羈流年別我去堂堂貧如原憲信非病
介似展禽疑是狂坐愛羣蛙添鼓吹愁聽百舌亂笙簧
等閒悟得無爲妙家有傳經自伯陽

茫茫宦海究何憑一墮真成履薄冰明月何心欺暗室
急風有意亂春燈失鳴已是三年鳥息怒原非六月鵬

多少癡兒爭片席休言並坐不橫肱

白雲自占嶺西東又上青天隔翥鴻失路驂駟春草外
刺人荆棘墓門中花從月影分濃淡鳥向風聲別異同
最是桃輕薄甚居然二月有霜楓

看雲樓下繫輕舟占得林泉儘自由祖廟急宜培竹木
先塋更望護梧桐燈花乍放非真喜石硯難耕是隱憂
何日歸田尋釣叟一竿風月枕清流

見說籬邊道里賒跳梁小醜近天涯衝鋒只用烏蒙馬

破路難容豹尾車且喜兵糧資小麥

前燕產小麥濟餉

莫愁瘴

厲試新茶將軍所到皆屠滅衛霍功名那足誇

安信春花筆底生那知毛穎老成精終南捷徑真堪憶
池北新談似有情月爲懷人當柳挂雲牽歸夢向山橫
此心底事傷離別羨煞飛鴻好弟兄

題任司馬

其昌

香奩百詠詩後

出塞文姬有是非新愁舊恨宴依依閒拈香草歸彤管
細畫春山入翠微逸態不嫌飛燕瘦濃粧恰稱玉環肥
問誰學得狂司馬詠罷琵琶淚滿衣

赴友人急出都

炎日酷如此問君胡遠行只緣親誼重轉覺客身輕十
部劉公札千金季布名由來天下士不肯盜虛聲

白河店謁楊敬山先生詞

一封書上本忘身豈料千秋氣轉伸此日忠義成鐵案
當年臺省盡金人見金人絳口意儒生志節山河壯古廟巍然
俎豆新拜罷階前看跪客不堪回首是同寅

帝堯廟在望都縣

策馬滹河東青山細雨中界聞遼宋日柏見帝皇風蜀秦
後記堯廟古柏二株東三幹西五幹俗謂三皇五帝柏陵廟此爲古舟車無不通
郊原秋有麥擊壤樂融融

定州

州有唐楊諫議
宋蘇文忠公祠

官柳亭亭夾道修衆春園外麥初秋高文枉用追蘇軾

直諫誰當學道州藥肆香風明客眼恒山陰雨暗城樓
紅塵十丈從教洗一路蟬聲和拙鳩

蘭相如墓

相如智勇竟如何歸壁秦庭未足多膠柱真能知趙括
避車非是畏廉頗千年蜀客還生慕四尺荒墳不忍過
叱伏虎狼憑頸血翻隣七首殺荆軻

獲鹿縣

小縣山之麓滹沱水尙聞市中惟聚鐵塞上揔屯雲畏
虎關門早調鷹縱獵勤居人能習苦不怕夜多蚊

井陘關

客會蜀棧過心已無險路驅車上井陘得得穩余步轍
迹閱古今戍樓還新故怪石撲額來勢若虎蹲怒澗深
不計尺僕忤屢回顧緬懷李左車策奇君不悟夷險微
地靈成敗識天數莫謂秦無人淮陰拜且怖卽今關塞
清形勝自鞏固落日迴星城陣雲沒芳樹

傷麥

天地太無私莠與麥同長莠生日以直麥生日以枉好
雨時愆期井泉溉不廣一滴甘露漿那堪莠分享歸咎
到老農力田怪鹵莽播種擇未精誤令占膏壤耘苗鋤
又踈滋蔓引其黨此時卽拔除麥傷已可想如何慮根

深更復暗培養癡哉彼懶農尙祝麥穰穰

詠拙效樂天

有官拙還沉有錢拙還散捷徑拙不由便宜拙不筭衣
吸常拙補見肘復露肝糧絕常拙謀懸磬且虛爨拙於
林間鳩營巢性所憚拙於室中蜂鑽窻氣徒悍人遞上
天梯步拙不能按人贈明月珠手拙不能貫妻知我心
拙家計不勞贊友知我口拙論古不相難有時作巧詩
而拙已過半有時遇巧事而拙輒相亂愚公欲移山千
古一拙漢彼山猶可移我拙無可換

癸丑

俠哉馮生行 并序

馮生傳先者瀘人蜀進士楊卓門人也卓貧時
家居教授生徒常數百及爲青浦令待而舉火
者甚夥後以公罪謫伊犁戍滿卒於旅邸浮屠
且兩年親友無一問者傳先故寒士徒步五千
里托鉢至都扶師柩歸蜀俠哉可以風世而傳
後矣同人既有以助之因爲詩以壯其行

一貴一賤交情見一死一生交情變大德不報小怨明
薄情師友若雷電東川進士楊鶴然貧時教授無私錢
爲官亦受親朋累白雪滿頭還戍邊邊城地瘴邊風烈

透骨寒心十指裂往日受恩親友踈三年抱病音書絕
從前豪俠今龍鍾兩目昏昏兩耳聾生時衆已厭窮鳥
死後誰知念苦蟲馮生感激胡爲者以義爲糧信爲馬
亦知高弟有春卿語以送喪巨君寡此意此情塵世難
師道卽今尊顯官有財莫濟負心友留買他年七寸棺
和鳧塘送姪燕歸蜀兼呈兩村

餞汝一杯酒醉後發狂叫離情雜鄉思鬱鬱欲誰告汝
叔真介人爲官不喜要俠氣直劍知淵懷古井照文繡
被犧牲固已憚入胸塞翁馬得失禍福何足校憶我蜀
岷山江水所從導代鍾賢達人君平實高蹈有才未肯

矜有德祇自好徒觀賣卜肆何異管道紇念汝慰我來
元霜變玉貌無翼千里飛健若出林鶴死灰縱復然光
豈能遠耀猶恨非撲滿先自無入竅如何能窮人悔不
媚竈與汝今捨我去南村指日到念我宅邊溪童子時
所釣口歸久未歸祿養敢云孝園林雖未荒時日正難
料執手立踟躕颯颯風側帽家有老相如多病聞目眊
萬卷只自讀有子不暇教何以繼家聲能令鵲爭噪汝
歸述余言白頭定一掉人生駒過隙百年幾歡笑阮籍
徒自哭孫登但長嘯榮辱與升沉無心付大造況當春
夏交山水盡入妙對酒不開懷俗病實難療行矣慎所

歷家書望鴻報

池魚和鬼塘

池魚不慕海原無點額望噉喙依蒲藻榮意難具壯有時風起波潛若避洪漲淘河何處來開口鼓巨浪顧茲升斗水豈足肆騰放忍令羣魚枯側強立泥上天故生淘河誰能絕其吭

初發都門

曙鴉鳴且飛晨星淡欲沒遊子中夜驚驪駒戒早發早發何所之迢迢天一涯東魯及吳越去去從此辭披帷拜床前老母睡未起入室窺錦衾瘦妻髮初理豈不稍

遲留恐增妻母愁弟姪與兒女亦各懷離憂憂腸縱斷
絕不收眼前別命寄江湖波心碎南北轍南北雖異鄉
敢曰遊無方雲水足魚鴈萬里猶庭堂底恨髮頽白仍
爲負米客元豹矜衣毛黃鵠鍛羽翮

通州感懷

愁緒如散絲理急絲益亂安得快剪刀寸寸剪之斷通
州適京師高城切雲漢哲兄昔官此相從幕復旦今來
失所恃飢驅潞河畔豈曰無良朋誰復相急難有弟官
鳳池十年戢羽翰怨貧知何益頗亦厭愁歎我身可無
官豈能不釜爨幸未老卽死誓且遊汗漫相彼警夜鶴

自介子方集 卷一
滴露尚驚噴嗟哉傷翻鴻聞絃得毋憚

張家灣

湯湯潞河水東流知所歸遊子逐之去茫茫將何依出
郭眺四郊良苗萋以肥薰風河上來楊柳夾岸垂千檣
何敢戢糧艘幸如期獨有孤征人日暮常苦飢登高望
渤海風波無定時低頭念京華魂夢有所思

次臨清閘

岸高山崢嶸閘窄水湍激船下若馳馬船上若退鷁漕
運扼咽喉絳壁走霹靂居民多玩水對面爲盜賊我遲
上水船苦熱意無適入閘波喜平過閘夜深黑天送明

珠來幽情愜蘆荻側聞十年前姦民肆狂惑清畫劫官
吏居然據城壁殄滅雖崇朝亦費兵將力如何今開口
尙容彼姦慝雖梟不卽斃積日生羽翼毫末不早除異
時叢荆棘況乃白晝偷大猾或潛匿寄語牧民者仁民
盜自息

相逢行贈妻兄王百總

起元

十載不見忽相逢欲呼恐錯驚成翁握手始訝聲音熟
入門不修賓主容尙記相如病消渴呼僮沽酒趨街東
阿嫂入厨手親爨此情那望風塵中舉杯對燭若裏寐
人生到處如飛鴻義切骨肉罄懷抱不覺明月沉西峯

廿年瀛州一腐儒自笑無文能送窮官職左遷望猶重
天涯走遍囊仍空憐君無兒祿轉薄爲君天南借長風
及早振刷搏風翼會看扶搖上九重

孤鴻

衆鳥夜各息孤鴻獨南飛哀鳴叫其羣音響一何悲悲
響非不遠舊羣殊未知各爲稻粱謀豈顧汝飽飢昔矜
雨翮健力盡山海隅年久志願摧勞深筋骨疲忍飢尚
求食窮暮無安枝中路更遭繳孤鴻當怨誰

雨中山行

陰雨拘客步重雲閉行目枯坐驅敝車悶如籠中鵠前

淖馬蹄陷後坎車脫輻其上崖將崩其下石初沐九折
卽羊腸十里少人屋熱雨澆汗背殷雷轉枵腹雖少墨
子歧難禁阮籍哭吾聞古鹽販日常困驥足我馬况不
良合在泥塗辱但慮逢魍魎未妨友麋鹿

幕至泰安書事

朝見泰安城暮抵泰山麓山行險可知況復策駑足嗟
余何所有二車乃鹿鹿前載筆與我後載書與僕我輕
車可驅書重車折軸遙望泰山雲雨勢來且速書車豈
無逢摧落不堪覆爲書驅我車執策助鞭朴直登太守
堂救書催給燭逼迫出南門雨來已如瀑雷喧百尺漲

風卷一溪綠中夜徙蛟龍若有山鬼哭得母妒我書蒼
頤所遺錄不然祖龍怒焚餘肆此毒書哉夫何辜舉杯
遙相祝

江抱村明府

清

爲余假館城西宋氏園詩以奉謝

兼簡徐惕庵太守

大榕

故人假我城西館背水依山客趣同大葉芭蕉能避雨
長條楊柳慣柔風豈惟下榻慚徐穉未許空樽笑孔融
絕勝草堂工部宅恨無佳句報嚴公

重登泰山

言方必先東岱故五岳首山面西南開部婁東北走層

巖森石連萬松拂雲帶高接蒼天蒼俯裂厚地厚前度
客重至舊知有道友主人催及辰興夫勇肩肘路盤石
磴仄谿廻雲根黝古剎或新故流泉尙左右奇峯能指
名幽徑獨先剖魂夢時往來十年正不久陰雨何無情
坐令雲相誘兩度窮崖顛終阻石屋後緬想黃華洞空
煩姪女守石乳玉柱竒筍城燭峯陡元君墓有無俎豆
已不朽悶來望四山茫茫知何有玉符空烟巒金輿隔
林阜咫尺迷天門遑問大汶口何當驅重雲造化在吾
手無由豁心目下山日未酉

岱廟十韻

巍廟瞻崇德高城壯帝圖先東尊五岳出震奉三無齊
魯聲靈近山河氣象殊樹從秦漢植碑是晉唐摩日月
棲梁棟烟霞起牖樞馨香通索漠封禪自黃虞環咏亭
何敞高吟客不孤風雲爭一字林谷亂羣鳥望古知神
赫登峯識道紆重來緣不淺真欲宅萊隅

百丈崖觀瀑

舊聞淵濟公禱雨多異蹟澄潭黑無底倒接一天碧昨
夜海潮移瀑布添百尺猛落轍上浮煮如雪花白上有
仙人影聽泉獨岸幘恐是赤松子東遊化爲石嗟余本
腐儒強作山水客豈解鍊丹砂且學餌松柏

卽事

頃刻陰晴變蓬心逐景飛雲銷山影瘦雨過水光肥行
蟻偏知道鳴禽獨見機劇憐東岳好愁別故依依

南留

南留岱汶間平嶺晚風壯淳俗懷葛餘市情殷周上但
知權度公不識升斗壯澗田環村腴林木入秋曠蛙黿
宅邊鬧雞犬嶺頭放見客頗殷勤苦言無供養去秋穀
不收今秋穀可望黃雲未登塲白飯末由餉盤堆欺霜
麵魯酒進家釀一飽謝主人此意厚難忘想近聖人居
懷古獨惆悵

孔林六韻

破曉城西路林深夏亦寒入門蒼檜直近墓碧苔乾樹
不宿凡鳥竹惟棲紫鸞靈著周易象翁仲漢衣冠日月
回松牖沂洙遶杏壇摩挲懷往蹟碑版已多殘

曲阜縣

我行半天下所到探風俗非官嫌民頑卽民怨官酷官
民本一家胡爲心不睦淳哉聖人鄉禮樂尙薰沐不取
非義財不爭無情獄不負官吏租不厭糜豆粥懷刑君
子心屬屢小人腹比戶敦廉讓居人重耕讀遠矣武城
風賢哉四氏族智者擇里仁此隣不須卜

寄顏運生廣文

崇禎

同年廿載未相逢四海知交一小松
薄宦聊持夫子鐸
多聞能辨茂先鐘
客來陋巷還瓢飲
帖寄任城當石供
闕里廟林饒古器
憑君搗寄幸無慵

渡黃河

本趁無風渡橫流
摠帶沙客星來碧漢
孤艇斷殘霞吹
地渾無力浮天不礙
槎十年經四度湖海
過生涯

棲霞

落日霞千樹侵霄
竹萬竿寺藏山腹
窄佛聚石崖寬
蜀語吳禽詫唐碑
宋搗殘立言誰不
朽惆悵對松巒

隨園贈袁簡齋前輩

枚二首

先生八十氣猶豪導我遊山不告勞細辨文章宗小雅

廣搜草木注離騷隨園地勝全追謝

謝安流寓金陵嘗治樓館竹林甚盛

先生亦如之

世界詩多半和陶

先生得人詩輒表於屏歲久既多顏曰詩世界中多唱和

作之如此精神如此福天公容得幾人高

絕代才華肯折腰經綸全借一園消山從北渭移千畝
水向西湖借六橋罵佛長生丹可鍊貪花轉壽玉難燒
最憐同輩無多在絳帳風流興獨饒

中秋蹋月歌呈寧圃太守七兄

連朝積雨泥滑滑已判中秋必無月病中何以慰寂寥

仰卧空齋書咄咄豈知天意人難欺掃除陰霽不移時
皓月一輪出海底未到中天光四垂止堂先生發高興
時果佳殺刻偃釘強待坐隅看月華病不能飲非好醒
心逐月飛身在廬我病願借月驅除此時此月不快意
欲待來宵知有無手扶僕肩爲之起遠城半匝不離市
江上小舟唱吳飲月下美人隔秋水明月步步隨人行
月圓人圓如有情纖雲不動碧天淨微風乍聞孤鶴鳴
遠憶燕臺當此夕老母妻兒聚寒席舉頭遙望孤征人
萬里懸懸月空白近憶城中海石亭太守相招不得行
此地忽逢翰林材四

開吳毅人前輩初到現飲寧園署三
君皆翰林也合止堂座主與余則爲

四僻地萍踪得此奇遇當一聚以爲得毋天上聚德星
他年佳話而余適發瘴故約以明日
殷勤寄語賢太守佳會如茲世少有杯盤留得待來霄
力疾爲君飲一斗

四客詞

并序

登丑之秋八月旣望是夜月色如銀天光似水
吾家太守寧圃開華晏肅佳賓坐中祝止堂座
主吳穀人前輩太守與余皆翰林也德星聚處
傳異感於荀陳楔帖書來緬高風於王謝曷若
堂稱六客芳流荅雲溪邊洞號三游光照彝陵
峽側震一時而耀千載具四美而并三難我思

古人永懷今夕歐陽永叔之事業烜赫寰區延
陵季子之風流輝光日月雖復岷江下士未堪
祖述青蓮頗憶河間偉人尙克追縱文紀況星
散東南西北長房無縮地之壺且人異吳越蜀
燕子晉乏凌霄之鶴自非天假之緣豈繫人謀
可合不有歌詠誰與流傳昔在瀛洲都是雲中
仙子今來谷水同看海上神山固宜傾彼琳瑯
壽之金石嗣遺檄於蘇李敢曰四客堂成寄勝
事於湖山庶幾三生石幸

三泖湖上波漫漫一輪秋月如冰盤太守開筵肅嘉客

羣仙高會來雲間止堂先生瘦如鶴胸藏劍氣作鵬鷃
朝陽丹鳳纔一鳴風吹六鷁退無著殺人前輩延陵風
興來作賦聲摩空酒杯落手百不顧醉後唯諾何從容
吾家太守有公擇六客堂中第一客長才不讓唐適之
賭酒較射事無積嗟予賤子胡爲者師祝友吳處兄下
空囊遊遍天之涯自謂不羈是野馬功名富貴何足論
昔共瀛洲洲上人今同海畔看明月莫負秋江萬里身

九月登鳳凰山

抱病動經月萬事付慵懶忽驚重九到客心惜日短維
時當授衣燕雲望中斷何以慰愁思登高一蕭散同舟

六七人出城趁日暖田家籬落疎桑戶秋風欵茗溪一
西折溪狹水猶緩葉艇輕如鷗雲樹圍若繖有山延頸
迎丹鳳方翼卵清風乍噓拂如聞嶰竹管振衣試前登
流汗偏左袒行人肩相摩咫尺失同伴忽聞礪山麓樊
侯著靈顯舞陽沛中人享此母乃覩歸渡接山橋山腰
斷如剪聞昔秦始皇望氣鑿崖巘況茲威鳳姿此厄宜
不免至今溪水腥魚鼈剩殘喘落日細雨來流霞朔風
卷密林飛昏鴉人家收雞犬清波添暗香舟逐市燈轉
蛙部雜笙歌前溪星月滿

安瀾園

鑿池因作山山高池以成一重復一掩桃源遂迷津有
如讀好畫尺幅萬里情又如謁高士氣備四時春黃花
帶霜開翠柏凌雪榮時聞竹深處幽鳥鳴一聲馴兔不
避客游魚亦親人中庭奉宸翰瞻仰肅臣民乃知經
濟才觸手皆章程人工奪造化可以陶天真

宿小顛獨秀山舫

處處雲輕處處山山房自在白雲間湖心月落魚爭躍
松蓋風來鶴未還社有詩僧方不俗世非名士不能閒
他年退步期成佛竹杖芒鞋日款關

宿榴北草堂同用榴字

十年三度客杭州夜宿君家不待留
兩鬢衰顏欺白雪半生酸味妒紅榴
詩含畫意清於月人醉花陰爽似秋
湖上冬來無長物探梅先到小橋頭

玉湖舟中

湖州四面水雲連一片清光入望妍
遠岫樹低青匝地沿溪竹聳翠蕤天
挂瓢庵外招鳴鶴浮玉山邊繫釣船
六客堂空成往事教人何處問蘇仙

王菊莊廣文

金英

題余登岱圖依韻奉酬二首

泰岱吾能說先生恨未登聖人今已往
天下小何曾鶴去看雲住雞鳴盼日升
都歸燕許筆不隔樹千層

劉際日長至寒生九九圖共君談北牖歸鴈叫西湖待
月獨欣賞順風誰疾呼賣文同一笑冷性與梅俱

和菊莊見贈

搏沙休放手斷梗是孤身萬里不期會一堂還獨親
文非不富夫子竟終貧好勵名山業揶揄鬼笑人
海內交名士新知勝舊知興濃需魯酒味淡得韋詩
梅氣寒逾馥松心冷自持更憐翁鬢鑠竹杖不曾隨

雙松行簡曉園太守

亭特

景蘇亭側雙株松傳是東坡手親植鉞根屈作蛟虬形
銅枝展若大鵬翼生兩石間終不大數百年來數十尺

豈不同栽且小異稟氣不齊非人力召公甘棠勿伐翦
萊公竹林衆護惜長留遺愛江湖間朝納青雲晚霞碧
曉園太守退食暇吟坐松根待月魄以石爲骨松爲心
風流不讓蘇與白君不見孤山永福寺陳文曾植二株
柏又不見鳳山梅岡亭宋高種梅亭之側卽今枯槁無
遺根景公夷齊孰失得乃知山靈有偏愛獨爲正人護
手澤我來下拜思鄉賢非徒種樹兼種德願君封植長
毋忘此樹此人古遺直

游雲棲

朝出清波門雪霽湖山爭空濛辨越樹秀色隔江映浮

山自北來截流不許橫三折觀其瀾江名因以定一轉
沿溪行清泉響如磬夾道槿籬疎十里竹陰靜到門客
未覺入寺夢初醒禪房小而潔迴廊曲相應層殿還梯
山複道皆石磴屢折達幽邃白日倏晦暝聞昔蓮池公
開山破天鏡至今石碣存尊之若孔孟

雲樓和菊莊

歷歷園亭傍澗迴山靈佳氣鬱葱哉
厨流活水接雲笥樹飽寒烟生錦苔
便擬三游爲洞號直教五蘊對僧開
我心本自無牽望不向如來證去來

尖山望海

橫鎖浙江潮東南一望遙天光依水立雲影帶山飄破
浪懷宗慤因風託子喬神仙真在島便隱不須招

海昌除夕

四十五年今夕除天涯落魄意何如最憐老僕呼君實
尙愛長卿賦子虛潮送春雷孤枕上江懸夜雨五更初
愁人不寐聞雞起爆竹家家祀伍胥

師竹齋集卷九

蜀綿李鼎元墨莊氏撰

甲寅

古今體詩一百一十七首

上元前一日同人集獨秀山觴得前字

杭州正月少晴天街上香泥劇可憐僧舍有人還賞雪
元宵無酒欲逃禪方知客味閒於鶴頓覺詩情散似仙
湖外草青春水深倩誰收拾到尊前

偶感

萬事如燈風不定一身似鵲月無情最難客裏聞孤鴈
容易窗前見早鶯若大西湖遊未足無多舊雨去偏輕

傷心那更清明候處處新墳有哭聲

偕鄭東里明府

國裕

游卞山

閱卷坐空齋五色恨迷目何以豁心胸一唾蒼溪綠賢
宰有清興肩輿度林麓衝風肯相從此情固不俗入山
萬株松遶寺千畝竹野鳥不知名時下階前啄古剝非
一家曲折占幽谷探奇必登巔日落繼以燭三更到積
善雷聲轉飢腹老僧煮笋迎黃粱亦易熟不謂叢林中
乃有酒新漉一斗聊復醉豈日夜未卜月落興初闌列
炬散羣鷺歸見啟明星轉就舟中宿

登白雀寺望湖亭

寺藏古柏裏山色醉遊客清泉在山腰瀾瀾流入宅直
登望湖亭身輕得雙翮俯視萬木低雲水混天碧鳥從
鏡中來舟若池上舶千里辨秋毫翻覺湖身窄始信州
名確滄海如不隔勝地非目過百聞定何益

靈山

獨立平原中孤高莫與上百里山四圍面面若相向盤
折極雲頂紺宇實宏壯一氣俯青疇良苗雨初暢越俗
原好鬼山靈貢奇狀男女肩相摩一步不容讓我來豈
佞佛耳目喜清曠懷春有同心默默各惆悵

三泖歌送簡齋老人

我鬢半白君已老相識當年恨不早我願爲雲君爲龍
乘風追逐西復東初日纔從海底出百里江湖青鬱鬱
語笑未了風帆開送君目斷當湖隈雪濤高似雪山雪
如此風波那可別嗚呼如此風波那可別

早發

晨心欲落亂飛鴉樹色河聲一道斜暗裏有香尋不見
薰風吹綻馬蘭花

阜城題壁

舊恨新愁那得刪羞將眉黛畫春山多情小杜知誰是
折盡柳條人未還

入都

北斗向人近西山當路橫未能歸蜀國又復滯燕京
歡喜隨兒女艱難慰弟兄最憐慈母意欸欸說離情

趙味辛舍人

懷王

索題古藤書屋詩未就而味辛

移居有感率賦

我昨南訪駕~~綠~~湖朱十竹垞已荒蕪不謂燕臺萬人海
尙傳先生之故廬故廬百歲幾易主只有藤花守故土
芳心豈免俗人欺歲歲傷春懷舊雨花能擇主花有神
晚得詩人趙味辛一時奔走豪吟客不讓當年姜宸英與
孫致彌徵詩近乃到賤子我詩未就君又徙主人重利不

重名花厄豈惟我輩恥君不見工部草堂太白樓雪泥
鴻爪到今留又不見庾信誅茅宋玉宅至今蘭芷媚芳
澤男兒到處羞無稱何必睡暖孔氏席

題羅兩峯道人

聘登岱圖

我耳兩峯名十年今年始識兩峯面童顏鶴髮目光炯
百里秋毫眼前辨朝來示我登岱圖七十二峯雲模糊
姦窮怪變森萬狀山中所有無不無憶昨兩登泰山頂
突兀胸藏萬峯影開卷忽若身重遊正是适參亭立馬

頃黑入松陰青接天白界巖石飛流泉黃癡寫意不寫

貌

小松黃司馬曾爲余作登岱圖寫意而已

使我對此心茫然願向道人乞

采筆置余日觀之石室
日日峯頭看日出
他年辟穀如得偕
共向雲中刷松朶

和周東屏侍郎

興岱

移居二首

勝占官園第一區
嫩槐引道綠深迂
長春別院鐘爲漏
小圃當門菜可租
愛客幾經添酒債
擘箋猶爲索詩逋
君家自是和羹手
氣味誰堪列上厨

感君詩句動予懷
曾記當年住隔街
夜月御溝吟細柳
秋風錦里蹢新槐
卽今原憲蓬蒿室
尙近盧陵畫舫齋
一事敝居差足傲
山濃水淡四時佳

雪中訪味辛值卧病

忍凍尋吟侶行行鐵廠東當輪冰骨斷到面雪花融僕
詫袁安卧誰爲子敬通歸途翻有作可得愈頭風

乙卯

答友人論詩

詩有真機自一家青天何可少雲霞我曹不過能言鳥
世上原多解語花相若舉肥傷駿馬畫如添足失靈蛇
亦知撚斷吟髭苦短笛無腔也復嘉

卽事

有弟猶分爨無官也累人步行奴子耻衣敝客閤嘆葵
性空傾日桃花只媚春醉鄉何處是我欲卜芳隣

將遊嵩高道懷

我不求神仙神仙偏有緣
招我登大嶽導我遊泰安
南海望補陀東海觀神山
何必見安期暗中與周旋
遂令我兩膝行止不自專
我尚不得專他人更無權
朝辭鸞鷺羣暮隨猿鶴班
明月託我心早挂嵩高巔
左攜玉女手右拍丹邱肩
帶月蹢亂雲聽風流流泉
回頭摘星斗置我懷袖間
歸來一披拂滿室皆瑯環
於以破塵網因之煉金丹
但得真仙然毋爲俗客傳

謁張桓侯祠

董卓亂天紀英雄隱狗屠
一朝際風雲聲名溢寰宇
桓

侯漢猛將捕敵如捕雛功名何足論漢賊恨未除草間
識先主智已超凡夫布越此其亞絳灌非爾徒我來謁
祠下懷古欽英圖古井無波瀾長松尙扶疎聞侯與先
主結交布衣初君臣如弟兄金石終不渝我亦婢義人
有弟猶別居寶家桂未折田氏荆已枯不能稱家督其
咎實在余枯荆若重榮侯應爲我娛人生重倫常孝弟
爲之樞孝弟且無成那復問其餘我欲剖丹心藉侯貢
天衢濯以銀河水照以明月珠然後知我心清淨如冰
壺感激託素誠侯其鑒我愚

望都道中

去年水滸何須問此日驅車尙可悲郭外人家初有甍
道傍官柳盡無皮春風只向天桃笑冬雪徒教蔓草滋
麥隴未曾先播種東君仁愛欲奚爲

磁州道中得州字二首

夾道清溪向北流水田如繡麥如油蜀人到此思鄉切
錯認磁州作漢州

漳水波光匝地浮太行雲氣接天流醉人春色惟三月
一路看山到豫州

比干墓

殷有三仁人千秋作臣軌去之與爲奴大義不如死憶

嘗獨夫時內亂一姐已崇侯暨廉來狼狽相表裏君子
敵小人自古無勝理誼旣爲懿親誓與國終始吾聞有
夏衰禍水由妹喜亦聞有周亂厲階首襄姒牝雞一以
晨羣犬附之起時豈無死臣史筆惜未紀覆車不知戒
今古長若此豈惟比干墓鄂王祠尺咫

湯陰謁岳鄂王祠像

恂恂狀貌似儒生忠孝爲心義作兵三字寃書成小紙
十年孤注倚長城空聞父老中原哭忍見江淮割地盟
說到秦張真可恨誤人家國此公卿

黃河渡

黃河渡渡口無百船連環鎖定候差用客車兩岸齊停
鞭綵棚高出似華屋中間羅列盡珠玉可憐渡口一朝
費百中人產千家粟傍人偷問差誰是云是中丞女公
子來時見邑銀三千去時百兩如流水中丞到官纔半
年兒女來往如循環刮取河南土三尺歸家應築金銀
山公子一與夫一百只恐前途館舍窄豪奴如虎官如
奴坐索門包仗鞭策嗚呼大吏官之模大吏不法小吏
諛彼女公子尚如此中丞出閫當何如

留別驢市舊居

五年住慣別依依宅不會凶語亂飛我運自乖還累汝

人言可畏卽危機心憐白水當門咽眼恨青山與性違
就裏更愁來歲燕故巢猶是主人非

移居米市街得書字二首

一車家具五車書十八年來九易居官職未遷人已老
詩名雖盛學猶初敢馨陋室惟吾德但許清風入我廬
米市街西連菜市從教飽啗庾郎蔬

戶竈新安費掃除妻兒分住室無虛墻原糞土全資紙
座有屏風半是書賀客不妨來燕雀舉杯先得對蟾蜍
向東一榻迎朝日莫待三竿髮懶梳

新居卽事

市聲聒耳有千般彼自貪忙我自閒偶借秋霖爲綠沼
便餘隣樹當青山談詩客到還呼酒索債人來不閉關
頗信此心如明月未妨飛語笑愚頑

十月九日趙舍人

懷玉

舉續重陽會招同邵侍讀

晉涵

吳中允

錫麟

葉編修

紹棿

張檢討

問陶

熊檢

討

方受

王給諫

友亮

魏秋部

成憲

伊秋部

秉綬

周

舍人

有聲

桂明府

馥

羅山人

聘

家弟編修

驥元

以

人世難逢開口笑菊花須插滿頭歸分韻得花字
十月號陽月寒風散輕霞重陽隔三旬菊酒猶堪賒平
原發高興愛客如愛花清晨走長鬚我冠待日斜製題

出新巧探韻何分掣坐客十三人好奇盡侯芭如何陽
春曲而雜下里巴酒酣脫吾帽亦足傲孟嘉何月無九
日何日無酒家雅會出詩人頓覺香齒牙豈必佩萸囊
但願逢麴車八月有端午

味辛句

詞客到今誇

喜塏兒登科示壻坊二姪

文章可定命其效勝龜卜乃知罔象珠不是盲雞粟前
年阿弟歸剖璞獻良玉今年大兒回拾芥取科錄萬里
博微名胸似有成竹得之果操券始信無花目公卿望
兒孫舉世同所欲穿楊技未成枉送唐衢哭積德仗宗
祖積功在誦讀水到自成渠曷哉母欲速

吳穀人前輩招集有正味齋初舉消寒會出水村
圖索題分得六言律一首

江南江北遊跡灑東灑西故園直到秋毫妙處轉疑春
裏留痕鬼鷺故故驚水楊柳深深閉門添箇漁舟屋角
武陵便訪桃源

同人集有正味齋醉後分韻得明字

坐客七人在虛窻殘雪明霜花貪燭影風竹妒吟聲讀
畫詩神躍呼茶僕憂驚文章有天趣星斗正縱橫

偶興四首

纔知旣墮不須驚春夢無痕若有情論古放閑真見識

行文謹閉小聰明閒將仙佛爲詩料悶以班揚作酒兵
萬累卽今容易避就中難避是浮名

莫向瀛州問謫仙紫薇花近九重天功名退似臨風鶴
家計清於吸露蟬有子登科吾欲老無財養母盜能憐
麤麤真類羊公鶴不耐重驅到舞筵

嗚嗚寒雞夜半催燈花還向令人閒裏中往事皆魔想
案上殘書是酒媒故園傷心墳墓遠天涯懷夜屬鴉來
無端迸落千行淚雨雪霏霏見早梅

不堪回首是流年機事機心早棄捐肯效季良成畫虎
漫從墨翟刻飛鳶貪除搜句無長策富縱多文不直錢

行輩而今皆老大倩誰先著祖生鞭

丙辰

元旦早朝

聖人聖親承從未有三元幸得際昌期早朝滋味鴉先
覺官路紆迴馬漸知萬國衣冠齊拜舞中天日月肅威
儀侍臣鵠立陪千叟邁古超前此一時

題翁老人鸞乘槎圖

披圖認得故人而疑是十五年前見今年千叟夢中人
都說此翁第一健問年八十顏如童採芝長憶商山翁
只憎白髮不相借前蒼蒼者今已空爲余細述畫中記

博望當年真好事世間知己苦難逢不似海潮識人意
終翁赤手障狂瀾萬金過眼無一錢隅夷日出天下曉
此心無愧水中天至誠感神事亦小狷介如翁世頗少
長安廉士爭來交日下才人競脫稿乃知人神皆好名
富貴區區何足榮夷齊不死景公朽千秋世業讓儒生

送客東歸二首

故人書到問佳士畫室杯深見小詩最是夕陽留不得
琉璃春巷立多時

問道驪駒早晚行亟圖一面竟難成相思不解情多少
鴨綠春江有淚聲

題畫蝶

此生學得莊周未最愛。新晴二月天。昨日裏回春草際。
落花無數蝶翩翩。

夏日諸同年集陶然亭招飲王翠庭太守和何編
修西泰韻二首

酒戶重開未肯扁。萬人海裏得旗亭。山如好客窻前揖。
水似醇醪掌上停。舊雨廿年殘照日。清風兩袖庶民星。
相逢不用傷貧病。砌柏經霜摠自青。

乍聽蟬聲入耳新。及時花鳥自相親。能憐傀儡無過酒。
深愧山林是此身。幾樹鵲巢高似髻。一鸞雉蝶缺如唇。

我曹歡對知何幸
恰際薰風細雨頻

送王明府

履吉

歸山二首

宦海何曾險
惟君險備嘗
智能逃密網
信可涉重洋
世羨鴟夷子
人誇錦帳郎
幾時歸計決
相與話田桑
不爲親年老
君歸未有咎
冠從金馬挂
車載玉人行
燕市一杯酒
潼川千里情
巴東猶戍鼓
何日罷南征

雨

六月似深秋
經旬雨不收
雲依窗外立
水入市中流
見說洗兵甲
猶聞淹汚州
漏下誰得補
獨抱杞人憂

八月十四夜直閣對月

欠一分圖未足論劇憐身
近紫薇恒十年佳節堪回首
今夜催租不到門鵲戀故
枝飛已
蛾貪新火撲猶煩
此生事事慚蘇白只有頭
何可共言

京都歲時詩

正月

百官朝罷賀新春只見飛符不見人

元旦賀客投刺如飛符多不見主人

間有驅空車投刺者

怪道千門無糞土恐將如願棄街心

是日不洒掃不

撮聚渣土各曰聚財如願事見荆楚歲時記

百忌都過破五來

新正五日內禁索前貨喪者過初五始到門謝名曰過破五

千家

如坐一家回

京俗新春賀節必奉節酒三杯俗謂走千家不如坐一家

道逢親友下

車掛

賀節路遇親友必降輿長揖而祝之日新禧納福

酒肆棧房清早開

京中店肆

多於初五日

開張貿易

鞭牛天下有同風兩學諸生喜氣融

立春日鞭春以綵繪按圖經製芒神

上牛鼻以綵亭京兆尹帥兩學諸生恭進大內

生菜滿盤辛味足咬春先試

帶霜蔥

是日獻辛盤餅食雜以總進各生菜各日咬春

諸星下界見何曾

八日傳爲諸星下界燃燈爲祭燈數以百有八盞爲率有四十九盞者大

約按本命星燈之數者爲多

祭賽先燃本命燈執棒披黃何處寺揮

沙打鬼喇嘛僧

是日玄仁寺喇嘛披黃錦衣乘車持鉢諸侍從各執法器擁護又以小番僧各

班第首衣綵帛帶黑白頭監手執綵棒隨意揮洒白沙達寺周圍各百打鬼

金吾不禁夜燈飛寶馬香車逐繡衣

元宵前後三日例著繡衣入夜燈花

滿市士女遊春暗數門釘遊百病元夕及十六日婦女之盛甲天下

人日遊百病凡過橋三五相率以過謂之琉璃廠外醉度又競往正陽門洞摸門針識宜男也

春歸新正琉璃廠店百貨雲集百戲競呈最爲繁盛

燕九城西醉不勝十九日爲燕九節百戲俱聚至城西白雲觀觀爲邱真人香火是日遊人

或較射擊球爲樂暮擊球較射各爭能侍臣西苑看必醉歸歲以爲常

煙火看罷歸來恰上燈是日西苑放煙火率於黃昏前便燃燈時百官已散歸

從新入市市牛羊燈節初過少葢藏廿五日爲填倉節人家市牛羊雞豕

悉餐竟日客至苦留必盡飽而去名曰填倉以新正節過倉廩爲虛應復置而實之今日盡情留

客醉大家自此各填倉

二月

祀日中和日漸高遶街叫賣太陽餅太陽宮裏遊歸後

五色錢糧薦濁醪

唐李沁請以二月朔爲中和節賜民間以囊盛百果相餽遺是日京俗以

江米爲餠上印金鳥團光用以祀日遶街叫而賣之曰太陽雞饊焚帛薦酒將新正各戶張貼之五色挂錢摘而焚之曰太陽錢糧其祭神雲馬題曰太陽星君左安門內有太陽宮都人結侶攜觴往遊竟日

龍不擡頭雨孰催蜿蜒灰徑引龍廻

二日爲龍擡頭日鄉民用灰自門外

蜿蜒布入宅厨邊水缸呼爲引龍廻

油煎食物薰蟲起

是日都人用黍麪棗饊麥米等物油

煎爲食

要占鰲頭入學來

小兒輩懶學是日始進學堂曰占鰲頭

騷客傷春春已半花朝何處最牽情天壇南北張園裏

十二日傳爲花王誕日花朝時貴牡丹天壇南北廊永定門內張園最盛

淺綠天紅數不

清京師牡丹有淺綠天紅金邊各種爲江南所無

道院立壇設寶籙

十五日爲太上元元皇帝誕辰禁止屠割太清觀及各道院立壇演道德

寶章禪堂處處設蓮臺

十九日爲觀音大士誕辰城內外各廟皆誦經聚會六月十九日登

蓮臺九月十九日傳道妙亦如之

無邊樂事逢春社燕子飛飛相宅來

三月

掃墓人家帶紙薦

清明掃墓傾城男女出郊各攜紙薦祭畢卽於墳前施放以較勝歸

來柳插帽簷邊

俗於是日摘新柳佩帶諺云清明不帶柳來生變黃狗

爲防醜夏

嬰兒苦偷拾祭餘枝上穿

是日俗以柳條穿祭餘至立夏日煎與小兒食之不讓夏

普育堂前各赦孤

清明日普濟育嬰兩堂檢拾暴路骸骨及幼殤小兒殮葬或化而瘞之延

僧度薦名日赦孤

蟠桃宮外集遊徒

宮在東便門內三月朔至三日都人治的從遊於此

驅除厲鬼城隍出土女甘心作罪奴

是日昇城隍聖像出巡以祭厲鬼名

日濟孤魂會蓋古厲壇之遺士女披枷鎖
作罪人狀拜於道以饑災病中元亦然

歷亂桃花雜柳絲龍鬚菜美海棠垂

是月天壇龍鬚菜
甘美可食崇效寺

海棠極盛填街塞巷迎東嶽正是黃花欲上時

是月東嶽天
齊仁聖帝出

遊進香賽願者極
衆黃花魚初上市

四月

羣到法源看浴佛

八日爲浴佛會都人
多於法源寺遊賞

便從髻髻拜天

仙四月朔至十八日爲碧霞元君誕辰都中各廟因不

少而髻髻山香火尤盛傾城士女俱往朝會惟南頂

始於五月朔

傾城士女狂無賴月半焚香藥廟前

月之中
旬至廿

八日爲藥王誕辰天壇北南藥王廟爲尤盛
進香者多不得入廟於神路街外焚香遙拜

豐臺芍藥近如何譜較江南品更多十里草橋香不斷

遊人郊外聽秧歌

豐臺在南城外芍藥最盛有水田草橋去豐臺十里是日遊人輪轂相望

五月

家家門外貼硃符艾虎蒲龍挂兩樞見說雄黃驅五毒

小兒肩上佩葫蘆

自朔日至端陽家家懸硃符窓牖貼紅絨吉祥葫蘆幼女剪綵疊福用軟

綿緝逢老健人角黍五毒老虎等式拙作大紅硃雄葫蘆小兒佩之宜夏避惡以雄黃浸酒飲餘塗兒童面煩耳鼻并揮洒床帳間以避蟲毒

女兒節到各歸寧

端午俗飾小女盡態極妍初六日已嫁之女亦各歸寧呼是日爲女兒節

正月十六八月十六二日亦然

不汲新泉避毒涇

是日不汲泉水謂避井毒因借用毒涇上

流南頂天壇遊射後夕陽芳樹幾人醒

是日極盛遊覽或南頂遊迴仍

修射柳故事於天壇長垣之下
騁騎走繚陳肴酌酒盡日忘歸

都城隍廟貨充集士女紛紛各有求

廟在都城之西五月朔至十八日設

廟百貨充集

最是燕京多市日一年強半廟中遊都城

拜香絡繹

廟望則東嶽廟北藥王廟逢三則宣武門外之都土地

廟逢四則崇文門外之花市七八則西城之護國寺九

十則東城之隆福寺又每日有精

忠廟前之東小市俱百貨充集

龍舟競說張灣好

里二泗近張灣前臨運河

喜旱何如

喜雨時

諺云有錢難買五月旱六月連陰

正恐雍頭防

舅氏

京俗五月不剃頭恐防舅氏名曰惡

破窻散髮恰

相宜

六月

兩岸齊觀浴象來

每歲三伏日設儀仗鼓吹導象出宣武門西水濱洗之兩岸觀者如堵

鑾儀典籍向陽開

初六日

鑾儀駕庫

皇史宬

闕城

婦女爭膏沐牲畜還教不染埃

婦女多以是日沐髮謂不膩不垢馬貓犬之

屬亦沐

於河

都城內外足連華浴馬潭中盡渥漥

積水潭在城西北開植蓮極多三伏

日上駟苑官

校於潭中浴馬市僧也謀消暑計廻香亭畔醉喧譁是月

朔日各商賈於左安門外中頂進香回集祖家莊廻香亭一路河池賞蓮喧呼竟日

七月

騎秋一雨勝黃金

諺云騎秋一場雨徧地出黃金

水面剗浮乞巧針

七夕

幼女以盂水曝日下各投小針浮之水面徐視水底日影或散如花動如雲細於綫猶如稚因以卜女之巧

暗祝銀河齊下拜五生盆裏麥苗深

七夕前數日種麥於小瓦器爲牽牛

之神曰五生益七夕兒
女對銀河拜爲乞巧

會設盂蘭處處同荷花燈出

御溝東

中元建盂蘭道場自十三日至

十五日放河燈內監持荷葉燃燭其中列兩岸以千數
又用琉璃作荷花燈數千盞隨波土下中流駕龍舟奏
楚樂自涼臺南過金鰲玉蟬橋
繞萬歲山至五龍亭而廻
星星燐火沿街巷
小兒
文執長柄荷葉燈又以青蒿縛香爐數百燃爲星星燈
如燐火三十日地藏菩薩誕辰街巷徧燃香火蓮燈於
路光明一片秋聲皓月中
如畫

八月

西郊夕月淨無塵萬國同歡醉一輪只有天街多樂事

黃沙綵兔立如人

中秋以黃沙土作玉兔飾以五采
粧顏市於天街月下遊人最盛

年年社日報成功聚燕臺前燕欲空

秋社城村燕各將
其雛於采育東土

卓名聚燕臺呢
哺二日而後去
紫螭正肥蘋果熟桂花東酒醉秋風

九月

九皇會裏過重陽

是月各道院立壇禮斗名
自八月晦日齊戒至重陽爲斗姥誕辰

爭市花糕並果糖

重九花糕極勝有油糖果爐作者
有發粿累累蒸成者有江米黃米

搗成者皆剪五色采旗以爲標幟

法藏寺南真覺北

是日

小兒輩又以綫穿山檳連街賣之

登高北城居人多於阜城門外真覺寺五塔金剛寶座
臺上南城居人多於左安門內法藏寺彌陀塔土大夫

又多於憫忠寺黑窑廠
及陶然亭文昌閣等處

登高人醉菊山傍

秋日家家栽菊採自豐臺

茶酒肆又於街巷貼市招
某館肆新堆菊花山可觀

西山紅葉恰辭青

是月都人於西山看紅葉又於
各門郊外痛飲終日謂之辭青

齣歸燈似星

都中圓館車馬盈門霜降後設夜坐城南
賀易歸人入園飲酌俗謂聽夜入齣散時

運隊布列如星占雪鄉風頻望雨
陽無雨看十三宜男菊葉貼門屏
三無雨一冬乾屏除穢召祥不浣
則多育女而不宜男

十月

憲書頒後送寒衣

十月朔孟冬時享頒憲書是日民間祭掃如中元儀以五色綵帛成冠帶

衣履久於門外奠

有客占風子夜歸

皮客於九月晦集衆陳肴候至子時

而焚之曰送寒衣

炕火初然菰菜美

安肅黃菰味極美至是醃

下冬寒裘貴耐醃盡歡

蛭韻清微少年好畜秋蟲

白蛭蛭以禦冬人家卧聽蛭蛭乃蟻姑之別種寄生於

菰田禾黍間又名曰叫蛭

夏則鳴於郊原秋日攜來籠懸窓牖貯而懷之能度三冬韻似琴

太液池南白塔燈光如星斗氣如烝

太液池南有白塔爲永安寺是月廿

五月白山下然燈至塔頂列如星斗諸內
侍及喇嘛執經焚香吹螺擊鼓以祈福
今起十五日下午元之期各寺課經安民
起至次年正月廿五日百日期滿
祝國安民有梵
僧

十一月

消寒圖上臘梅香冬至南郊大祀卽數九畫素梅一枝
九畢則春深矣蹙鞠人歸坐托床金海冰上作蹙鞠之
日九九消寒圖蹙鞠人歸坐托床戲每隊數十人各有
統領分位而立以革爲毬擲空中俟將墜羣起爭之得
者爲勝或此隊之人將得則彼隊人蹴之令遠以便捷
勇敢爲能卽黃帝練武之遺又冰堅後以木作床下鑊
銅條一人在前引繩可坐三四人行冰上如飛各托床
亦曰開道冰嬉矜滑擦冰上滑擦者所著之履皆有鐵
冰床開道冰嬉矜滑擦冰上滑擦者所著之履皆有鐵
爭先奪標取勝名護城河下閱兵忙
日溜冰亦曰冰嬉

十二月

漫言水土貴三分平取平抓只論斤

臘月諸物價昂故有臘月水土貴三分

分之諺老人於歲逼時飭後輩謹慎權量又有二十七入平取平抓之諺

七寶粥成供餽遺

家家臘八開如雲

臘八日爲王侯臘家家煮果粥祀家堂門竈臘飯並餽送親隣爲臘入粥

古名七寶粥

祀竈人家各挂袍

廿三夜例祀竈家家立杵懸天燈以香糟炒豆水盂祀神掃除爐竈塗以

淨土曰

天將善惡責兒曹

廿五日俗傳上帝下界因此三送竈神上天故上帝於此

日稽查善惡降之禍福世人誰言亂歲無凶煞

除夕爲

戒小兒習罵惡言恐招不祥

亂歲日因竈神上天諸凶煞俱不用事婚嫁者百無禁忌

齋沐纔教病鬼逃

俗多於廿七八

日齋沐諺云二十七洗疾二十八洗邈邈

盡棄藥方拋百病

歲暮將一年食餘藥餌並藥方焚棄門外名曰丟百病

六曹封

印挂門神

是月封印各家

金銀食品松枝火

除夕食水餃兒內包

金銀小銀食得者主來年順利又以松枝柏葉雜糝木吉祥并焚爐內曰爛歲

一歲吉凶都聽

人

是夜出門聽人言之吉凶卜來歲之休咎名曰聽識語

丁巳

偶感

青青原上草乘春花自榮
鬱鬱澗底松臨冬心不更萬
物有本性屈伸何足爭
寧爲溝中斷莫作堂前楹
好宅無百年丹刻傷我情
君看社上櫟不木全其生

漫興

清流無涓濁無涇度量相懸實逕庭御馬幾曾求大丙
解牛空自羨庖丁山藏冬雪頭常白人坐春風眼倍青
造化榮枯都莫定問誰真箇勒勳銘

題畫

兒女熙熙出短籬賣餚人過趨車遲綠槐深柳斜陽外
正是詩狂酒渴時

懷人三十首

吾師有直節位屈道益尊歸卧浙江潮浩氣彌乾坤教
學日相長筆墨精入神程門憶春風德孤終有隣

傳御
祝上

主堂座

風流賢太守歸田今十年碑版照海隅性命逃枯禪身
著寬裳衣心與雲鶴閒江水日東下鎮以北固山

太守
王夏

樓先
生

瀟洒前輩風文字不趨俗林泉愜幽尚十載潞河曲閉

門注元經春草一階綠空谷聞足音其人信如玉

學士
王露

仲前

輩

翩翩佳公子大梁信陵君高義動河岳小心事朋親鯨

魚偶肆毒墨縑誓三軍諸葛名士風羽扇而綸巾

方伯
吳菴

國

觀察廉靜姿詩興守爭潔孤鶴立雞羣梅花傲冰雪妻

子死不戀獨被卧寒鐵伯道尙無兒部民祝天切

大名觀蔡

王鎮

之

祖述著鞭早志大心轉細手障江漢流恩結干戈際朝

廷重廉能奪情救民弊楚氛莫更惡防卒正精銳

湖北方伯

肅

天性淳且篤魚山好兄弟粹然儒者容著作見根底連

年遭家故奔走骨如毀幾時樽酒同細與究經史

廉州馮魚

山秋

部

天馬不受羈渭川有奇致太才烹小鮮詩人作仙吏典

衣還刻書癡絕自爲智金石堆琴堂得名不得利

安陽令趙

渭川

吾家謫仙子詩膽大於身五斗不折腰孤鶴出風塵落
魄游江湖所交盡才人廿年卧卧江漁歌和陽春

蔚廉
府

兄

涼州老監司不升亦不沉傳聞得道術洗盡食癡心念

君後嗣艱鬢髮霜已侵玉關少來鴈惜還如惜全

蘭州
觀察

小
役

省堂世家子開府是青瑣立心追古人宰相遲十年天

欲老其才不在官速遷求材須鄧林釣魚必深淵

甘肅
司臬

廣
省

堂

米顛有替人金石癖成性所到搜古碣地靈不敢吝近

聞著麻衣圖書亦遭擯鐵筆誓藏刀名成手亦病

任城司馬

賈小

松

狂客住醉鄉十飲九回吐興來詩似潮一息千里注飛

鴻有遠響駿馬無近步湖心孤月明魂夢隔雲樹

西湖處士

沈笠

人

西湖老顛僧酒肉無不可醉嘗吟月歸時向水中墮生

死一以齊罵坐癡於我禪房踞孤峯鎮日白雲鎖

獨秀山魴

小顛

僧

莫貪友作吏作吏忘故人屈指平生交白首誰如新念

彼苦吟客五十初衰麟七年寄一書癡心喜還瞋

太蒼別駕

周春岩

阿兄似蘇髯胸懷浩如海廣廈被寒士凍餓獨不悔官
笥力未愁善政口碑載長嘯大江南同志幾人在

松太觀察

寧圖兄

觀察古遺愛於事能守約天與淳樸姿渾沌初未鑿訥
言而慎行所過俗無薄叔度幾時見鄙吝爲君卻

賴南觀察

雷紹堂

老吏惻惻姿牧馬去其害廉慈畏人知十考無殿最歲

稔獄訟稀官久風俗泰相憶折遠梅寒月江心大

貴溪明府

曲魯
瞻

三

長我纔三日才過我十倍循聲震楚越文思湧江海名

高心愈卑民飽身固餒桂林歷寒霜垂老操不改

橫州刺史

汪小海

劍惟直易折膏以明自煎哀哉豪俠人遠戍今十年遇

赦例得歸胡爲久遷延感激平生心垂淚望西天

原任東陽

明府謝方非

有堂何堂堂才大遇亦巧失馬竟得福飛黃似君少皆

爲同隊魚今爲各天鳥刎頸多張陳分金無管鮑

貴州觀察

孫有堂

介有梁伯鸞十載謝名利孤高衆不容頗負遂初志如
何席未暖又洒孤兒淚天欲鍊真才折磨有深意

畏吾秋部

山樽擅詞章鎔盡六朝粉買文助甘旨至性抱幽憤鯁
鵬化何遲冠素淚雙拔莫便混魚鹽市朝可大隱

吳山傳孝

吾家有美璞才多不恃才五年西域歸際會風雲催苗
民得慈母自足消嫌猜衡山千百峯生面憑君開

臨武明府

香齋弟

當代論入分四海一未谷功名老始遇官爲刻書服騎

象戴山花頗笑用修俗莫更苦著書愁煞後人讀

永平明府

桂未谷

顏君性好竒古碑搜欲盡同心得小松地靈爲之窘得

石輒下拜凝不畏人哂考據何必精借矛攻子盾

與化明府

顏薄生

酒德與詩才人莫測其量蕩蕩含春風淵然大儒望敝

屣視功名萊衣竭色養文行誰兩全斯人實豪宕

學士吳巖

人前輩

船山阮籍流天才自雄放脫畧同輩中別具清狂狀洛

下有幾雲名公斂手讓麻衣匹馬歸嗒然我心喪

檢討張船

山簷孝廉

張亥白

我友心若水傾地無定流作詩瀉性情蕩如不繫舟大
才宰小縣卧理名已浮何以贈良朋春華實之秋

翼城明府

蔡呂橋

雲峯篤孝弟吾黨之閔子時時作小詩片言約衆理可
憐膺家難棄名若棄屣憔悴近如何伊人隔千里

何判官雲峯

居庸關

關可一夫當山巔盡女牆險真移劍閣勢欲折羊腸有
馬皆官印無車不酒香披裘何處客日爲駱駝忙

和何山人鶴除夕

我詩久不作未忍便舍諸元龍非少年豪氣終不除今
夕得鳴九苦言歲將去修蛇已赴壑欲繫繫何處明月
盈三五不嫌晦日苦一夜隔一年顯晦恐難數東君來
有信何時發玉京一夜隔一年春鳥難爲聲乃知除夕
意亦如日有辰欲除除不盡有新必有陳四十九年非
佳夕盡虛擲君猶五年長積夕已長十相對各衰老此
後不容筭但願酒滿卮兼之書盈案

醉後偶成

問夜已將子酒闌詩未闌如何春燭意猶帶雪花寒